



SCOUTING ANTIANO

- GUIDA DI MARKA -

- KONTENIDO -

- Nos marka
- Nos logo
- Nos tipografia
- Nos kolónan
- Fotografia
- Tono di bos
- Rekursonan





- Nos marka-

Bonbiní!

E guia aki ta yuda bo komprondé ken nos ta, kiko nos ta hasi i kon nos ta demonstrá nos mes na otronan. Ku un bon marka, ku ta konsistente i ta papia kla tokante e benefisionan di Scouting, nos por atraé mas miembro i apoyo pa Scouting Antiano.

Komo Scout, nos ta kere den preparashon di hendenan hóben ku abilidatnan pa bida. Nos ta enkurashá nos hóbennan pa hasi mas, siña mas, i ta mas. Kada siman, nos ta brinda mas ku 1500 hóben e oportunitat pa disfrutá, pasa bon, buska retonan nobo, miéntras nan ta desaroyando abilidatnan ku nan mester pa bira eksitoso awor, i tambe den futuro. Nos ta motivánan pa ta orguyoso di ta ken nan ta, i orguyoso di ta konsiente di e rumbo ku nan mes ta skohe pa kana.

Ora nos papia di abilidatnan pa bida, nos ta papia di trabou den ekipo, liderasgo i tambe resiliensia. Nos ta kere den union. Nos ta selebrá diversidat i ta para kontra di intoleransia. Nos ta un movimentu mundial, kreando komunidatnan mas fuerte i inspirando futuronan positivo.

#mitascout

- Nos logo -



Nos marka ta hopi importante pa nos. E ta e símbolo ku ta representá nos i ta unifiká nos komo un movementu. Usa esaki konsistentemente, pa alsa konsientisashon, rekonosimentu i adopshon di nos marka.

Nos logo ta disponibel den dos diferente formato, dependiendo e uso. E uso preferí ta nos logo di koló. Dado kaso ta bai hasi uso di e logo pa korant òf otro medio ku ta solamente den pretu i blanku, por hasi uso di nos logo den e vershon pretu i blanku. Nota importante: no pone e logo di koló den 'greyscale', hasi uso di e vershon original trahá pretu i blanku.

Ta prohibí pa kòrta e logo, bòltu e logo òf pone elementonan èkstra. No kambia e kolónan di e logo, ni e elementonan den e logo. Tene kuenta pa no strèch e logo for di su proporshon normal.



- Nos tipografia -

SCOUTING ANTIANO

Open Sans Bold ta e tipografia ku nos ta uza pa e nòmber ofisial di Scouting Antiano. Sigur ora esaki ta kompañá pa e logo di Scouting Antiano. Tambe ta e tipografia ku ta uza pa "The Scout Association of Curaçao", kual nos ta menshoná vários biaha bou di e nòmber Scouting Antiano den nos dokumentonan i/òf kartanan.

Lorem Ipsum

Open Sans ta e tipografia ku nos ta uza pa e kurpa di e teksto den karta ofisial di Scouting Antiano. Pa harmonia den diseño di dokumento i otro pubikashonnan por skohe otro tipografia.

- Nos kolónan-

'WEB color codes'




#263472



#e30f19




#f2e61d



#0b7834



#88371f



#622599

Scouting Antiano su kolónan di estilo ta basá riba e kolónan di nos logo kual por mira aki. Ademas di nos kolónan, Scouting Antiano sa hasi uzo di e koló lila di Scouting Mundial, kual tambe por tuma nota di dje.

Ademas di e kolónan di e logo di Scouting Antiano, a opta pa uza un 'brush effect' pa alegrá e estilo di Scouting i na mes un momentu trese un elemento hubenil den dje, asina simbolisando ku Scouting ta PA hóben i DI hóben.

Bou di e kapítulo di rekurso por mira kon ta hasi uzo di e 'brush effect' aki den e rekursonan disponibel di Scouting Antiano.



- Fotografia -

Potrènan ku ta inspirá ta e kurason di nos marka. Nos potrènan mester demonstrá alegria, dibertishon, amistad i aventura. E énfasis mester ta riba kapturá e momentunan di konekshon, aprendizaje, interkambio, logro i amistad. Nan mester enfoká riba e reashon emoshonal di e aktividat mas ku demonstrá e aktividat mes.

Bon fotografia ta nifiká kapturá momentunan den tempu, pa asina hasi e momentu aki eterno.

E por ta un momentu ku bo a kai den awa turesten bo ta rema pa promé biaha, òf ora bo ta rèk pa alkansá e siguiente punto pa subi un seru, òf e momentu ku un hende ta yama bo danki pa un bon trabou.

Kòrda ku no mester mustra unifòrm den tur potrèt, pero mester mustra dibertishon, amistad i aventura.



- Tono di bos -



E manera ku nos ta papia ta mesun importante ku loke nos ta bisa, sea personalmente, skibí òf ònлайн. E ta ilustrá nos personalidat komo movimentu i ta yuda nos papia den un tono konsistente, poderoso i ta definí nos komo Scout. E ta yuda nos resaltá.

Nos bos mester demonstrá ku nos ta sigur, aktivo, desafiante, inklusivo i optimista. Nos ta yama esaki optimismo ku aktitut.

Ora nos ta papia ku òf den públiko, un tono desafiante ku ta provoká un reakshon emoshonal ta yuda ku nos bos ta ser skuchá i ta sigurá ku nos ta haña kompreshon.

Ora nos ta papia ku miembronan di nos movimentu, nos por ta ménos desafiante (demostrando apoyo i sosten) pero ketu bai aktivo, inklusivo i ku seguridat.


Ehèmpel di tono di bos

- SIGUR** Komo Scout, nos ta kere den empoderashon di hóben ku abilidatnan pa bida.
- AKTIVO** Bira boluntario i yuda hóbennan haña abilidatnan pa logra éksito den bida.
- INKLUSIVO** Nos ta habrí pa tur hende.
- OPTIMISTA** Nos ta kontribuí na kreashon di un komunidad fuerte ku futuro positivo.
- DESAFIANTE** Nos ta semper kontra di intoleransha!

- Aplikashon -



Letterhead



Business Card



Powerpoint



Email Signature

- Aplikashon -



- Referensia -

E publikashon aki ta un esfuerzo konhunto na benefisio di miembranan di Scouting Antiano. Scouting Antiano ke kontribuí na formashon di hóbennan en general. Uso di e materialnan produsí dor di Scouting Antiano por keda uzá pa otro organisashonnan despues di haña pèrmit di Scouting Antiano pa esaki. No ta pèrmití reprodukshon di e material (ni parti di e material) sin pèrmit di Scouting Antiano.

Buki i dokumentu manera esaki ta produsí dor di un persona òf grupo di persona bou di enkargo di Scouting Antiano. Tur buki i dokumentu por bira mihó i pa esaki nos ta pidi kontribushon di tur esnan ku uza e material aki.

Uza e buki aki bon i si bo topa kualkier eror òf bo tin kualkier sugerensia òf komentario kon pa amplia, mehorá òf hasi kontenido di e material aki mas útil, djis manda esaki pa nos via email info@scoutingantiano.org.

Guia di marka di Scouting Antiano ta resultado di estudio di e maneho di marka di organisashon mundial i di vários organisashon nashonal di Scouting pa asina produsí nos propio guia di marka. Un trabou hasí pa un grupo di hende bou di guia di Iliene Corsen.

Un danki speshal na Fundashon Konstruí Awe i Mañan pa finansiá e produkshon.





Un produkshon di
Scouting Antiano

